

ESTICA
A. 5085

14.

20

9

1566

ORATIO

D E

Præstantissimarum ac Nobilissimarum

MATHESEOS

PARTIUM ARITHMETICÆ

& Geometriæ origine atq; multi-
plici in vita communi
utilitate.

Q V A M
IN ALMA UBSAL. ACADE-
mia GUSTAVIANA in Rev. Con-
sult & Clar. Virorum, Nobiliss. Præst. & Humanis.
Iuvonum presentiâ 21. Iunij A. O. R. 1635.
publicè proclamabat

ZACHARIAS L. KLINGIUS
NERICIENSIS.

Apocâl. 21:15.

Et qui loquébatur mecum, habuit mensuram arundi-
neam auream, ut metiretur civitatem & portas
eius & murum.

(f):o:(d)

HOLMIÆ,

Imprimebat Heinricus Cæsar.

15

ADMODVM REVERENDO ET
Excellentissimo Viro,

Dn. LAURENTIO PAULINO
Gotho, S.S. Theol. & Philos. Doct. maximè
Eximio, inclutæ Diœcœsos Stregn. Episcopo digniss. nec
non Collegij ibidem Regij Ephoro graviss. Mecænati & Patro-
no gratioſiss. propensiſſ. ſubmiſſa animi veneratio-
ne aternū proſequendo.

UT ET

Rev. Clariſ. Venerab. Hum. & Doctiſ. Viris Promotoribus
fautoribus & amicis plurimū ſufficiendis,

Dn. Matthiæ Ilsbodino in Jäder
Dn. Laurentio in Tunboō
Dn. M. Jonæ Bergio in Glanzhammar } Pastor & præ-
Dn. Jacobo Rondaletio in Knijstadh } poſito meritiſſ.
Dn. Andreæ Canthero, in Mådhelſſa Pastorii preclarisſ.
Dn. Laurentio, in Kräklinge Pastorii vigil. patri peribariſſ.
Dn. Petro, in Gillberga Pastorii dexterrimo.
Dn. Joanni Bossenbergio, in Edsberg Pastorii impigerrimo:
Dn. Jonæ, in Lillekyrka Pastorii attentiſſimo.
Dn. Petro, in Glanzhammar v. D. comministro diligenter. affini cha-
riſſimo.

In grati animi tenuiſſe hoc manus & mentis ſua munus, reveren-
ter, ſubmiſſe & officioſe

offert

Zach. L. Klingius N.

Humanitatis Studiosis S.P.

M Atheseos ſtudium & antiquissimum
& laudatiſſimum eſt. Antiquita-
tem quod attinet, cum genere huma-
no cœpiffe creditur. Adam enim (teſte Iose-
pho) non ſatis habeneam ſibi ſcire, etiam ad
liberos ac posteros propagavit. in primis ad
Sethum, qui nepotibus ac posteritatii ſua per
manus quaſi tradidit. Ne verō tam pracla-
ra inventa cum etatis ſaculiq; progressu ex ho-
minū notitia effluerent ac interciderent, duas
columnas unam lateritiam, alterā lapideam
erexerunt iſq; inventa ſua ad posteritatii me-
moriam inscripferunt, ac contra vim injuri-
amq; velignis vel aquæ (hac enim primum, il-
lo alterum mundum perituru ex Adami vati-
cinio didicerant) feliciter præſervarunt. La-
teritia autem diluvio abſumta, lapideam ad-
huc arate ſua in Syria extitiffe, teſtatur Iofe-
phus. Ab Adami autem posteritate deinceps
ad Egyptios per coloniam tranſlatarum, oc-

cognitionem

caucionem propagata est. Ägyptij verò hanc artem magis magisq; excoluere, in primis Geometriam & Arithmeticā, illam, cum ob crebras Nili exundationes sape controversia de agri limitibus orirentur, in auxilium ac decisionem vocabant: hanc (puta Arithmeticā) & ob vitā domesticā rationes, & quod ad Geometrię & speculations multum commodat. velut Diodorus Hist. lib. 1. loquitur: *ως τὰ γεωμετρικὰ θεωρητικά χρησίμα*. Laudatissimum verò esse hoc studium, patet tam ex demonstratio-
nis certitudine, quam usū multiplici, quem in omni doctrina genere præbet. Certe Philosophia studium sine eo mancum ac mutilum est, nec absq; eo comprehendendi cognosciq; integrum potest. Unde veteres de Matheſeos ignaris dicere soliti: Eos non habere ansas Philosophiae.

De hoc tam egregio Matheſeos in primis Arithmeticā & Geometrię studio, ejus origine, dignitate & utilitate brevem quidem, sed tersam scripsit Orationem Virtutum ac literarum cultu ornatis. Iuvenis Dn. Zacharias L. Klingius Nerius. cuius declamationi ut humanitatis studiosi semihora spatiū in Gustaviano Auditorio post preces vespertinas dare velint. amice invito. P. P. a. d. 21. Iunij A. M. DC. XXXV.

Johannes Loccenius.

J. U. D.

ENCOMIUM MATHESEOS.

Si Crispus ille Sallustius Clariss. Nobiliss. & Lectiss. concio de Carthaginē nihil quam parum in medium afferre maluit, si Socrates præsente Phædro amore vituperatus facere id non audet nisi sibi priùs caput pallio obnupserit, si deniq; ipse parens Eloquentiæ quoties aliquid esset dicturus suam in orando ariditatem profitebatur, si inquam hi, aliique magni nominis viri in quibus tot residebant Minervæ munera quique tam copioso fuere Eloquentiæ rore irrigati ut posteritati famā post se relinquerent immortalem oneris suscepti magnitudinem cum viribus suis comparantes ne illi succumberent veriti sunt, quanto magis mihi infinitis parasangis ab eis distanti idem eventurum subvereat? Inge-
nij namque vires dum excutio, meoque

me p̄t metior

peccatiō, tam cognoscō tenuitatem, tantam in exprimendis animi mei sensis balbutiem, ut me huic negotio valde esse imparē ingenuè fateri cogar. Verum tamen A. L. ut Cyrenaeus Poëta ait facile esse omnibus Silenis Apollinē laudibus decantare propter innumera laudū argumenta in eo existētia, ut Pythagoras Themistocleam sororem in conscribendis patriæ bellis occupatam argumētum habuisse amplissimum in quadam ad eam epistolā testatur, id quoq; mihi si persuasum habuero neminem inficias iturum harior; quandoquidem Matheseos nobilitatem, præstantiam ac excellentiam laudum encomiis decantare in animum induxi, & cum ejus tanta sit dignitas, tāta utilitas tantaq; jucunditas ut à nemine condigno orationis penicillo adumbrari queat, imò licet summam in eo locaverit operam, se tamen vanā spē lactari non est quod animi pēdeat, ut dicere haut verear Periclem & Lysiam Oratores incomparabi-

rables Mathemata sufficienti encomio suoq; proprio splendore, nitore ac colore deliniere, illustrare, depingere & exprimere nequivisse. Ex ubere itaq; ac copiosâ hac dicendi materiâ silentio nunc involvo ea quæ pro Astronomiæ, Astrol. Musicæ, Cosmograph. Opt. Mechan. Architect. condecoratione adferri possunt, solumq; eas quæ nomine Matheseos puræ (puta Arithmeticam & Geometriam) selectas volo, quandoquidem ex his tanquam ex cryftallo & arbore frugifera reliquæ pariuntur, emanant atque scaturniunt, sua principia, fundamenta, demonstrationes ac declarationes mutuando, quod antequam in actum deducere fategero, vos A. L. majorem in modum rogatos habeo ut meam qualemcunq; orationem non splendido aliquo dicendi genero ornatam non flosculis Rheticis stipatam sed tenuissimo dicēdi filo contextam pro solito vestro candore ac favore patienter & æquanimiter audire non dignemini!

Arith-

Arithmēticæ & Geom. Genealogiam
quod spectat A.B. certum est eas non se-
cūs ac reliquæ artes liberales Deo bono-
rum omnium authore gaudere & quod
eis præ cæteris maximo est decori & ad-
mirationi, Eundem primum suum culto-
rem agnoscere, quippe qui totam hanc
universitatem ad regulam Arithmeticā,
Geometricam, Isorrhopicam hoc est in
numero, ratione, mensurâ pondere & cō-
stituit & disposuit, quod ex colloquio
Dei cum pio illo Jobo ^{ἰ φθαλμοφανερῶς} liquet,
dum divinum hominem hoc modo affa-
tur: ubi eras cum fundarem terram? in-
dica si nosti intelligentiam? quis posuit
mensuras ejus si scias? aut quis extendit
super eam regulam? super quid bases ejus
defixa sunt? aut quis projectit lapidem
anguli ejus? Postquam jam clementissi-
mus Deus res alias optimas condidisset,
hominem tandem ad sui imaginem crea-
vit utratione & virtute intelligendi reli-
qua corpora naturalia infinitis modis

vinceret, unde consequens est ^{Ad aman}
primum Philosophum ideoque & Mathe-
maticum extitisse qui tanta rerum cogni-
tione pollebat ut primo intuitu nomina
naturis ac proprietatibus corresponden-
tia rebus omnibus imposuerit; cuius affe-
ctus motus & potentia ita erant ordinatae
ut suavissima & perfectissima cum lege di-
vina esset harmonia, Post lapsum vero mi-
serissimam affectus est intellectus noster me-
tamorphosi ut non solum ignorantiae te-
nebrarum hospes sit factus, verum etiam
ad horrendissimas appetitiones ^{ἀλαζούς} quam
sæpiissime inclinet. Verum ut tantâ in-
tegritate atque præstantia in principio ho-
minem non frustrâ instruxit, ita præter in-
telligendi & volendi facultatem quædam
adhuc vestigia & principia in natura suâ
benignitate relinquere voluit Clementiss.
Deus quo homo ex jis ejusmodi notitiam
deduceret quæ illum miserè sauciatum
quadantenus restitueret atque exornaret.

Deinde ab Adamo ad filium Sethum
B ejusque

iusque nepotes tandemque ad Noachum
& consequenter à Noacho ad Patriarchas
quasi per manus est tradita ut refert Jose-
phus lib. i. c. 3. In fumum itaque abit ca-
villatio eorum qui Græcis Mathematum
inventionem tribuunt; communis namq;
sententia Thaletem Milesium authorem
salutat, sed ea non solum jam jam est refu-
tata sed ulterius quoq; attendamus hujus
rei à Diogene testimonium dicente Patri-
archas Ægyptios Mathemata docuisse ad
quos Græci studio discendi pervenerunt,
qui ea quæ ab Ægyptiarum Musarum ube-
ribus luxerunt, postmodum ita excolue-
runt ut nonnulli eos primos & quidem to-
tius Philosophiæ inventores cōstituerint,
sed quanta injuria ipsi Deo ejusque populo
hac assertione inferatur, ex his quæ dicta:
sunt omnibus constare hariorum.

Atq; hæc sunt A. B. quæ ad nobilium
harum disciplinarum profapiam detegen-
dam impræsentiarum dicere volui, paucis
de cætero earum utilitatem ac jucundita-

tem penititiam, & intueor, deprehendo quantum humanum genus à brutis distare facit, ut quondam Thraci ejus nescij inter irrationales, è contra verò Phœnicij numerorum perfectam cognitionem habentes inter sapiētissimos fuerint reputati. Missam nunc facio insignem ejus utilitatem ad ætates Patriarcharum, seriem divinarum patefactionū, periodos imperiorum, tempora exhibiti Messiae, exordia & propagationem Ecclesiæ & alia quæ in divino codice occurrunt infinita, accuratis limitibus determinanda, sine qua tanquam oculis capti in ignota regione versabuntur qui operam sacris literis impendere volent; quamobrem rectè & eleganter demonstrat Divus Augu-
stinus ob numerorum inscitiam multa nō intelligi à multis, quæ translatè ac mysticè posita sunt in scripturis, ejusque rei exem-
pla non pauca in medium adducit: & non tantum eandem sentētiā longè pōst pluri-
bus verbis repetit sed insuper libris quat-
vor

*les in societate
gymnase cor-
luptis*

mento consumptis ad stu-
dium Arithmetices futuros Theologos co-
hortatur ut ita titulum suum factō ipso de-
clarare possint suamq; religionem contra
incredulos defensare. *Sileo* quam nece-
faria sit Juridico in foro causas agenti ad fa-
cti alicujus circumstantias examinandas.
Transeo quoque medicum Thessalonem
filium suum Hippocratem in palæstris Ma-
thematicis strenuè militaturum monen-
tem, Arithmeticam ut morborum perio-
dos & crises, Geometriam verò ut mem-
brorum proportionem situm & laxationē
cognosceret. Prætero statum civilem
ac œconomicum qui nunquid Arithmeti-
cā carere possint mecum pōderat: testem
provocemus ipsam experientiam, nullus
dubito quin ejus tantam utilitatem ac ne-
cessitatem sit ostensura ut meritō dicam:
Non mihi si centum lingvæ sint oraq; cen-
tum enumerare possum quantus multis in
rebus sit usus numerorum. O singularem
Dei clementiam! o Arithmeticæ præstan-
tiam!

tiam! o ineffabili
nislaudibus mactandam!
Porro in laudes Geometriæ descensu-
rus, offendō eam similiter opes suas in spa-
tioso spatio si hujus mundi circulo prome-
redispargere & effundere, unde Philo ipsā
ἀρχὴν τὴν μελέτην πάντων μαθημάτων, hoc est originē
& fontem omnium artium appellat, illa est
quæ hebes ingenii acuit: illa emollit mo-
res nec sinit esse feros; illa cultoribus suis
Heroum ac Principum favorem ac bene-
volentiam conciliat: illa magnitudinem
linearum & superficierum & corporum tā
regularium quam irregularium tam in cœ-
lo quam in terra investigare docet, illa uni-
cuique quod suum est distribuit. Ejus be-
neficio divisit Josua filii Israël promissam
terram Canaan. Ejus beneficio Rex Da-
vid Philistæorum sibi subjectorum agros
distribuit. Ejus beneficio genius cœlestis
mensus est lōgitudinem & latitudinem ci-
vitatis Hierusalem. Neque hic si-
lētimubi involvere possum quas suppetias

liber

B 3 fert

absque ea civitates arces templa turrem
munitiones & id genus alia recte fundare potis
est? minime. Nonne ipsius ope hujusmo-
di prius Orthographice, Scenographicè,
Ichnographicè depingere debet? maxime.
Nonne muri Babylonij alti pedes ducētos
lati quinquaginta & in quibus via tam spa-
tiosa fuit ut quadrigæ sibi mutuò occurrē-
tes pertransire facilimè potuerunt nec non
altissimis turribus exornati, ejus operâ fu-
re præparati? certissime. Nonne Dianæ
templum cuius summa fuit magnificientia
summaq; magnitudo quippe in quo extru-
endo universæ Asiarum 220. abierunt anni cu-
ius longitudo 415. latitudo 200. pedum
fuit columnas 126. ad altitudinem 60.
pedū nonne hoc templum ejusdem admi-
niculo fuit contextum? verissime. Nonne
Cyri regia lapide candido columnis aureis
gemmisq; preciosissimis distincta imo cœli
continens simnlacrum stellis micantibus
insignitū, ejus fundamentis fuit adornata?
rectif-

rectissime: unde vetus comicus eleganter
scribit:

— Probus Architectus

Bene lineatam si semel carinam collocavit
Facile est navem construere.

Unde suâ luce radiat quantum laudabilis
hæc ars pro sit statuariis & cœlatoribus cu-
jus etiam meminit Donatellus inquiēs: Be-
ne pingere est fundamentū sculpturæ. Pro-
togenes Apelli lineas non præduxisset nisi
Geometriæ fuisset gnarus: Demetrius Rex
Asiarum vix statuam 700. cubitos altam erigi
curasset nisi habuisset ingenia disciplinis
Mathematicis exculta. Quid multis? Adsti-
pulatorem hujus rei habeo Prophetam di-
centem: Artifex lignarius extendit normā,
formavit illud in runcina: fecit illud in an-
gularibus & in circino tornavit illud: & fe-
cit imaginem viri quasi speciosū hominem
habitantem in domo. Quamobrem ò sin-
gularis & eximia Geometria:

— Quæ tam latatulerunt
Secula? quia tantum talem genuere parentes?

Tuus

Tuus ulus tam in togata quàm bellica vita
est maximus: Tu adolescentiam alis, tu se-
nectutem oblectas, secundas res ornas, tu
summa cum utilitate summam quoq; vo-
luptatem & jucūditatem conjūctam habes.

Conjicite lumina A.B. in nostri evi bel-
la, per praxin Geometricam ea proiecta ac
propagata videbitis quæ solū robur & po-
tentia infecta relinquerent. Præclarissim⁹
Heros ac Martyr Divus G U S T A V U S
ADOLPHUS pace belloq; Magnus elas-
pso superiori induciarū tempore inter nos
& Polonum prævenire imminentia mala
quam præveniri mavolens instructissimā
classe ingressus est Livoniā primūq; Ri-
gam obsidione cinctit, quæ sanè, si opes, sitū,
& naturam spectes, talis est, ut vel strenuo
spem victoriæ adimat; quid factū? ex tem-
plō castra posita, valla jacta, fossæ ductæ, æ-
des, templa, turres ruinis deformatæ; nec in
hoc rerum suarum articulo animis defec-
re Rigenses, nec inducias pacisci voluēre,
sed ubiq; animi fiduciam ostendere, verū

ut

ut circumfidentiū dicitur, ut
nimenta, actis cuniculis, suffossa videre, ad
præstitutam diem se R. M. ti permisere.
Tot victorias ejusmodi stratagematibus
Mathematicis reportavit post Deum R. e-
jus M. tas cùm in conflictu Polonicō, tum
in Aquila Romana deplumanda reporta-
runt quoque post sanctissimos ejus manes
Illustriss. Cancellarius, Illustris Horn, nec
non reliqui ordinis Svetici duces ac impe-
ratores ut si singulas sigillatim differere pa-
rarem, tempus quàm res maturiūs desere-
ret. Testis est Pomerania, testis est Mar-
chia, testis est Franconia, testis est tota Ger-
mania imò tota Europa, testis exercitus no-
ster, testis exercitus hostis. Meritò itaq;
cum mari sumnum convenientiam alit
Geometria, sicut enim maris fluctus jis qui
in eo versari non consuevere terrorem in-
cutere accepimus, compertis & exercitatis
vero minimè, sic nobilis Geometria inci-
pientibus sapit difficultatem, verūm quàm
initio difficilis lucet, tam facilis, tam dulcis

C

&

*et amabilis
tandem in
progressu
minister*

Sicut mare est amplum terram circumiens
innumerabiles fructus exhibendo, sic Geometria
suos toti terrarum orbi thesauros
depromit. Sicut mare gemmis & pisci-
bus abundat perplurimis, sic Geometria
variis figuris & propositionibus; sicut ma-
re mortuos non fert sed actutum eos per
fluctus in litus transmittit, sic Geometria
ignavos & otio deditos in sui cognitionem
devenire non patitur: Tandem cum quis
multa in mari perpessus portum affectat,
affectatum summâ cum voluptate conse-
quitur, sic Geometriæ cognitione imbui-
tus ad alias disciplinas capessendas quam
maxime est idoneus; quod etiam indigita-
re voluit Plato dum lycae sui foribus hoc e-
dictum affigi jussit *εδεις αγεωμέτρητος εἰσίτω*, unde
constat veteres suis filiis ab ineunte statim
ætate Geometriam inculcasse ut eâ veluti
per scalam ad altiora & sublimiora Philo-
sophiæ penetralia ascenderent ne ad ea in-
utiles & inepti à sapientiæ magistris depre-
hensi

hensi illud Platonicum audientes à propo-
sito resilire necesse haberent. Hæc pro en-
comio disciplinarum Math. non ut volui
ac debui sed ut potui, estari libuit A. B.
Nunc suadet instituti ut & temporis ratio
ut orationis meæ vela contraham Deum
ter. Opt. quaterque Max. calidissimis votis
rogitans ut veram suam Ecclesiam ab ho-
stili insultu undique parvo istius gregine-
gotium, faceffenti clementer & paterne tu-
tari, conatus Poloni reprimere, potentiam
Ligæ Pontificiæ infringere & alias ejusdem
farinæ machinationes evertere dignetur.
Da pacem Domine in diebus nostris quia
non est aliis qui pugnat pro nobis nisi tu
Deus noster: Da Reginæ nostræ omniq[ue]
magistrati pacem & bonam Rempub. ut
nos sub ea pacificam vitam ducere
possimus in omni pietate
& honestate.

Amen

D I X I.



Optimi ingenij, magnaq; expectationis
Juveni,

Dn. ZACHARIÆ LAUR. KLINI-
GIO NER. amico suo ut singulari ita can-
didè recolendo & redamando, de Mathe-
seos dignitate & utilitate publicè do-
cteque peroranti suffragatur
infra scriptus.

Bαλόμενοι κοσμὸν γνῶναι ὁρθῶς γένεται
Μετρήσειν γαῖαν πάντοτε τὴν εὔρεντα;
Τῶν γε μαρτυρίατων μηδέπω πάντοτε ἐμφέρω,
Λεξεῖσθαι οὐτως τὰνεκα φίλομαθτί.
Νῦν δὲ σὺ γένεις δημόσια θύματα αὐγλᾶ
Εὐ φράνεις παλλαγῆς πολυμαθῆς τε ἔσθι.

τῆς φίλης εὐμενείας ἐνεκα ἐνθυμῷ εσχέδιον.

JOHANNES LAU-
RENTII STALENUS
in Academ.Ups.Græc.
Ling.Prof.Org&p.T.
Fac.Phil.Decanus.

A L I U D.

Sacras qui potuit sedulus benè flectere Musas
is capit elogium;
Castaliis arvis quoniam est & gloria tanta,
nobilitent humiles;
Tu, cum Pieridum sacrâstes primus in arce,
Spes gregis Aonij:
Ettuam magnificent conamina docta, labores.
Perge decus juvenum!

amicitiæ causa citissimè s. d.

ISAACUS Mariæ-
stadius.



A L I U D.

Dum tractant alij sua prælia dira mayortis;
Ensibus & gaudent, sternere quæq; suis,
His ut opū crescat copiosi' aucta suppellex'
Quo fit multorū sangvine diva domus:
Dum

Dum studeant alij furiosi pocula Bacchi
Tāgere, queis ponūt gaudia summa sua.
Tu satis egregiè vigilās colis arva Camenū,
Immo colis Musas sedulitate pias;
En testatur opus, sermo Rheticus, illud,
Præsens eloquiū, Thespia dūm q; decus:
Nō terrena solūm quē cōtinet ambit' orbis
Contemplaris, sed scandis ad astra poli.
O juvenis pergas vernantī temporis ævo,
Sic decus Aonidum tutem et ipsus eris!
Addo tibi votum de Lauro nate Zachriā,
Ut faveat studiis dexter Apollo tuis,
Cursu felici bene transige secla; Parentum
Sis laus atq; decus, frater, amice vale!

*Amicitiae & fraternitatis ergo
ex tempore faciebat*

NICOLAUS L. S.
Ecclesiast. Borgens.